




84 (2 роо-коти) — до
Е 55

Анжелика
ЕЛФИМОВА

Азбука рытотоз









Анжелика
ЕЛФИМОВА



Вера

ce X 8H (2Poc = Коми) E55 -A

Звуки северной лиры

АНЖЕЛИКА ЕЛФИМОВА

АДДЗЫСЬЛЫТӖДЗ

КЫВБУРЬЯС



- 43849 -

МУ «Корткеросская ЦБС»



Сыктывкар
Коми небӓг лэдзанин
2002

84 (2Рос.Ком)

Е 55

Книга отпечатана на бумаге
Сыктывкарского
лесопромышленного комплекса
в Коми республиканской
типографии

Небӱгсӱ серпасалӱсны
Н.А.Зинченко, Г.Н.Шарипков

Елфимова А.Г.

Е 55 Аддзысьлытӱдз: Кывбуръяс (серия «Звуки северной лиры»). — Сыктывкар: Коми небӱг лӱдзанӱн, 2002. — 192 л.б.

ISBN 5—7555—0751—1

Оз сюр сэтшӱм поэт, кодӱ эськӱ эз гижлы радейтчӱм йылысь. И гӱгӱрвоана, мыйла. Ӗд муслунӱд отсалӱ кыпӱдны мортлысь ловсӱ, лоны ыджыдджык сьӱлӱмаӱн да мелӱн. Эз кеж тайӱ темасьыс бокӱ и том коми поэт Анжелика Елфимова. Став сьӱлӱмсянь автор сӱрнитӱ югыд да сӱстӱм муслун йылысь.

84(2Рос.Ком)

Е $\frac{4702310200 - 013}{M 128 (03) - 02}$ 17 - 02 м

© Елфимова А.Г., 2002

© Зинченко Н.А., Шарипков Г.Н.,

оформление, 2002

ISBN 5—7555—0751—1

© Коми книжное издательство, 2002

Тайӧ — поэзия

Заводиті лыддыны Анжелика Елфимова-лысь кывбуръяссӧ, и быттьӧ ӧшинь ывла вылӧ восьті, — ыркнитіс кыпыд, свежӧй, вильыш тӧвру.

Шуны, мый кывбуръясыс бурӧсь, сідзкӧ, нинӧм не шуны — найӧ виччысьтӧмӧсь, чуймӧданаӧсь, зэв аслыспӧлӧс тэчасногаӧсь. От ме кӧсйы некутшӧма уськӧдны ылӧдз гора-лана муса коми поэзиянымӧс, коді «ыджыд-тор нин шуӧ», но Анжелика Елфимова сяммӧма писькӧдны поэзияын ассыс шуда чӧс туй. Бура лыдди, да пыр жӧ юрӧ воис мӧвп: позянлунъясыс кывбуръяс тэчӧмын и збыльысь вӧлі артыштны позьтӧм. Но кодарланьысь найӧс корсьны? Йӧзкостса творчествосьыс? Талунъя ӧдйӧ вежласяна олӧмсьыс? Ас пытшсьыд?..

Со кыдзи заводитчö «Чужан кывлы» кыв-
бур:

*«Пузчужом кагаон
Моростö корся.
Кула кө, кула,
Ловзя кө, ловзя.
Пола, мый отгортан
Бергавтом кылысь.
Мый тэныг ме кодь
Рочасьысь нылысь...»*

Тадзсö кодкө шуліс Анжелика Елфимо-
ваодз? Чайта, эз. Тані, ме думысь, отйитö-
даось и торыгъяис, и талунъяис. Тайö — по-
эзия. Сиа, мед сюсь вежöра ань шедöдіс вы-
лысь-виль вермөмъяс да век вöлі стрөг ви-
дзöдласа аслас творчество вылö.

И со мый быть тшöтш колö шуны: Анже-
лика Елфимовалон ставыс на водзын и мед
эськө одöбта чепöсийöмыс эз кус да вуджис
кузь туйö.

Онi Анжелика миян син водзын. Сиам бур
туй!

Владимир ТИМИН

ЧУЖАН КЫВЛЫ

Пузчужом кагаон
Морөстө корся.
Кула кө, кула,
Ловзя кө, ловзя.
Пола, мый өтдортан
Бергавтом кылысь.
Мый тэныд ме кодь
Рочасьысь нылысь.

Мыйла нө аддыси тэкөд
Нэм помын?
Медьюмов кампетон
Сылан өд вомын.
Тшөктан кө, кывбурөс
Өтитөг сота.
Оломөс вой джынийон
Жалиттөг лота...

ЧУЖАН МУ

I

Тэнад тувсов кыдзьяскөд
бөрдны.

Тэнад юмов сынөдө
пөдны.

Тэнад енэж лөзінө
сывны.

Тэныд сьөлөм дойясөс
сьывны.

Уна во ме йөз муын
шөйтi,

Кымын олөм важ ноппө
сөвтi.

Тэ эн дивит пөрысьмөм
мортөс,

Кодi сөмын воөдчис
гортас...

II

Ме уя тэнад лөньöd,
бытгьö вөрті.

Ме апала пöсь ловтö
и ог пöt.

Ме тэ весьтö став шогсянінас
бördі,

И тэ пыдди ме юи
став лёк вöt.

Мый кывбур менам —
комын кыв — и ставыс.

Тэ бура тöдан налысь
гуг да бан.

И выль ног он нин шöпкöдышт,
он равöст.

Он весиг выль ног
радейт тэнö тан...





Тулыс сэтшөм матын:
сөмын горөд —
Енэж лөзөн тыртас гөгөрбок.
Мөдлапөлө йөрмас
турун зорөд,
Бытьё кольём воын
чөвтлөм шог.
Коскөдз няйтөн, пельөдз вомөн
бара
Сиктса улич ылөдлас —
он пыр.
Лэбач гозъя, варовсьыс на
варов,
Чужтас гөнтөм пиян
пырысь-пыр...



Выль во öні на и «точким»,
 А апрель нускө, кылан.
 Куим төлысь öзйис-сотчис
 Вежон, лун джын, здук-мөд —
 Дыр-ö?

Киссялісны дзоридз-росъяс,
 Ен ув пельöсын выль берба.
 Арын казьявтөм пув розъяс
 Выльысь ягын вотны верман...



Н.

Ме век на тэнад серам шыөн
код.

Ме век на тэнад енэж синмөн
«керём».

А рытгя зэрыс некыдзи
оз вод.

Он гөгөрво — то жалитө,
то нерө.

Эг көсйы велавны тэ динө,
эг.

Регыдья янсөдчөмысь, быттьө нывка,
повзи.

Чайті, мый сьөлөм ичөтик да,
жеб.

А кулөм пыдди тулысыскөд
ловзи...

Өшиньясөс босьтім,
 Пачьяс огө ломтөй.
 Сэсса пө мед тулыс
 Керка пытшкөс шонтас.
 Сөмын шондi югөр
 Век на вывти ыръян.
 Өдва сорөн ловзьө,
 Быттьө пөрысь жыннян...



Д.

Овны, эськө, овны,
 Апавны веж сынöd.
 Некодысь не повны,
 Мунны енэж вылöd.
 Асылödзыс тэкöd
 Варовитны-сөрны.
 Төвся грекъяс дзебтög
 Тувсов шыас төрны...



Со тэнад тулысыд!
 Татшөмөс көсйин,
 Та понда асьтө мем
 Ланьтлытөг вөзйин?!
 Мыйла нө шогалан, эськө,
 Он радлы
 Турөбөн баситөм
 Несъялысь мартлы...



× × ×

Мем тэнö радейтны оз позь,
И весиг паныдасьöм — грек нин.
А сиктса улич сэтшöм векни,
А сиктса сёрни сэтшöм, ёсь.

Ог аслам омöльысь ме пов,
Ме пола тэнад помтöм вынысь,
Мый öтчыд сийö съод му вылысь
Друг лэптас кыкнаннымлысь лов...



ТУЛЫС

Шонді йинёнъяс нускө-йирө,
Майбыр курксөмысь оз тай пов.
Польдчөм чужөмыс ворсө вирөн,
Пессьө морөсас вильыш лов,
Петө-пычкысьö ывла вылө,
Мед кө быдлаті ловъя на.
Көсийö кывлыны, кызди сылө
Кыз пу сөнъясын зарава...



Көн тэ төрыт вöлин,
 Мичаник да том.
 Коддысь морöс көрин,
 Окавлін пöсь вом.

Войбыд тэнö корси,
 Синмöй век на гөрд.
 Öти лунөн сорсин —
 Пидзöс вылас мөд...



Ме пола, мый тэ өтчыд
 он во бөр,
 А локтан кө,
 Ме тэныд ог ло муса.
 И менсьым полём
 Некодлы он вузав,
 Коть керка пытшкө
 Сійө оз нин
 төр...



Луныс ловзьö. Ньюжалö.
 Кодзувъясöс дзеблалö.
 Мöдлапöлö вуджала
 Небыд авъя бербала.

Самöварöс пузьöда,
 Лэпта бидон сур сэсся.
 Тэнö орччөн пуксьöда,
 Бара ладмам-бурасям...



И воас май.
 И ыджыд мамöй петас
 Съод потшöс сайö,
 Мир туйыслы паныд
 Да мудзöм синлы
 Шондi лэччанланьыс
 вöля сетас.

Мед юрси дзор
 И кокъяс юкалöны,
 Но личöдны оз артмы
 Тувсов гөрöd.
 Öд война вылысь пиян
 вояс шөрöd
 вoсьлалöны...



✕ ✕ ✕

Ывлаас — тулыс,
Морёсын — ар.
Лимзалё луныс
Ракаён: «Кар-р-р!».

Кывбурьяс өктысь —
Инастьём лов.
Нэм чөжыд вöтысь
Корсьны нянь-сов...



МАМЛЫ

Сөмын өтнад он өтдортчы меысь,
Көть нин кутшөмөн йөз пөвстас кывся.
Лэччан котөрөн ломтыны пывсян,
Муртса инмөдчас туйбокса пелысь.

Тэныд өтнады кывъяс оз ковны —
Ставсө «восътасны» съод рөма синъяс.
Лолөй грекъясысь личалас-мынас.
Менам Ен оз мудз велөдны овны...





Ме радейтлі, кыздз кужи,
Ме радейтлі, кыздз кӱсйи.
И йӱз сёрниӱд вуджи —
Эг пӱд, эг сыв, эг ӱзйы.

Тэ менӱ таысь прӱстит,
И сьӱлӱм тупыль позйын
Он овмӱдчы кӱ, гӱстит,—
Мед регыдик, но гозья...





Бара на тэкөд ме пиняси.
 Кыдзи нө водзөсө овны?
 Кыдзи бөр му вылас инасьны,
 Юсьөмысь важ ногыс повны?

Мыйла нө мукөдыс кужоны
 Муслунлы видзөдны бөрө.
 Сё арөс төдлытөг вуджоны,
 А ми өти здукас ог төрөй...



БӨРДӨМ

(кыз пулы)

Мыйла бара-й мырсин-петин
Му пытшсыс.
Мыйла бара-й сөнтө летин
Вутшгьяссыс.
Вольной светнас,
Вөсни коскөй,
Сорасин —
Вочаалас төлыд роскөн,
Гожом — корөсьөн...



Та дыра и вöлі мян тулыс,
 Эгö весиг тöдлöй сылысь мич.
 Юыс али енэжыс сідз туліс?
 Синъяс водзын сöмын ойдöм видз.

Кильчö поскöд кайö тьötка-гожöм.
 Здук — и дзикöдз бырас тайö май.
 Мудзи тэнад сьölöмысь ме
 Пожйөн
 Бырöм муслун гумлавны...
 Прöщайт...



ПУДЬЯСЬОМ

Уджалі да уджалі —
Лунтыр ыжӧс куталі.
Чиганъяслы вузалі,
Куим шайтсӧ гуалі,
Нельӧд вылас «буалі».
Аски бара уджала —
Лунтыр порсьӧс кутала...



АСЪЯ ЗЭРЫД, ШУЛАСНЫ, ГӨСЪТ...

Тэ менам асъя зэр,
Тэ олөмө он кольчы.
Ни зеляйöй эз «кер»,
Ни синъясысь эн коддзы.

Кок туйтö нюлас лун,
И быттö эн и воы.
Мун, асъя зэрöй, мун.
Ме тэтöг шуда лоа...



Мед кӧ олӧмӧй
 Абу дзик тыр-бур.
 Сӧмын коркӧ мед
 Чужыштлас кывбур,
 Да оз крукасьлы
 Вашгьялысь рифма.
 Мед кӧ косіник,
 Мед тіралысь на...



Тэнад синъясыд
 менам синъясын.
 Пөдін төдлытөг —
 и он сюр.
 Курыд синваён
 ог жө войтыштөд.
 Ставыс, шондйой,
 лоас бур...





Тэ лэбавны эн көсйы,
И ме чегъялі бордъяс.
Тэд батьö сур эз вöзйы,
И ме эновті гортöс.

Тэ шуин: «Енмыс уна»,
И ме пернаöс вошті.
Ок, кытчö бара-й мунам
Му да енэж косттіыс...



Воддза гожом окаліс
 катшасингъясөн.
 Таво гожом коялө
 катшашыдөсөн.
 Кытчө бара-й вошины
 муса нимгъясөй,
 Кодгъяс өнөдз олісны
 сьөлөм пыдөсын...



Эг и төдлы,
 кыдзи гожом суис.
 Гөгөр жуо,
 тувччыны он лысьт.
 Эжва ямис,
 енэж бара туис.
 Кылан, сизьлөн гижсьö
 помтöм висьт.

Шкапын упкö-пöдö
 ситеч платтьö.
 Сыкöд орччөн
 ропкö сарапан.
 Шондi ассъыс кадсö
 зильö-каттьö.
 Видзöдан да,
 ар нин жöдзö тан...

Бөрдө енэж.
Кодлы сылөн синва?
Кулысь төвлы?
Чужысь тулыслы?
Ог төд...

Көдзыд зэрысь
Пөдса өшинь дорын кынма.
Виччыся, кор лэдзас лолөс
гажтөм вөт...



Кытчö бара-й тэ быд асыв
 пышъян,
 Кытысь рыгъяснас
 вайлöны тэнö.
 Мыйла радейтан съöd рöма
 чышъян.
 Кутшöм та выйöдз шог
 личкö-венö.

Висьтав —
 Съөлöмад кокныдджык лоö.
 Ог кö отсавны сяммы,
 кöть кывза.
 Мыйысь лов шыыд
 тiралö-полö,
 Быттьö асылöс юкталысь
 лысва...

Кольöd менö
 кыддза раскөдз
 Бонзьом өмидз кустьяс
 бокті.
 Тэ өд сэсся каян аски
 Сэтчө, кытысь коркө
 локтін.

Корөсьнас, мый перъя
 рассьыс,
 Мөд нин кутас
 швачөдчыны.
 Кутшөм өдйө
 муслун разьсис.
 Оз ков мырдөн орөдчыны...





Быттьö мудзöм каньпи,
Куткыртчöма шань пи.
Вашъялігмоз нускö.
Вунöм сисьтор дзузгö,
Полігтырйи, гусьön
Любуйтчö оз тусьön...



Парма лөньö шондi уси.
 Аскиöдз!
 Кольмис сынöд
 Öмидз дуксьыс.
 Мамук, лэдз
 Кодалыштны пемыдлөзас,
 Эн корсьысь.
 Гашкө, танi сьөлөм дөзмас
 Эндöмысь...



Көсйи аслым лоны сарөн.
 Асывводз
 Пышйи сиктысь
 Ыджыд карө,
 Лои роч.
 Öнi менö
 Виль друг кутлö.
 Озырми.
 Сöмын чужан муöй шудлы
 Оз тырмы...



Тэ, колөк, төдан, мыйта
 саридз дорөдз шорсянь,
 И мыйта синтөм олөм
 ас дорөдзыд гортсянь.
 А, гашкө, төдан, мыйта
 вашниттөдзыд шог,
 И мыйта «да» шуөмөдз
 колө кывны «ог»...



«Тэнад, нылукöй,
 ставыс на водзын,—
 Вöсни синваöс
 чышкавліс мамöй.—
 Шогтö ковмас на
 апавны соддзөн,
 Оз кө сьөлöмыд
 нюмъявны сяммы».

Сэксянь коли нин
 некымын олём,
 Ёна юмов да курыдас
 пöдлі.
 Сöмын бöрдём да ойзёмлысь
 колём
 Серам-сөрёмөн некор
 эг тöдды...

ПӨДРУГАЛЫ

Мый нөшта олөмад колө —
Огө тай лёка со олөй:
Уджйөзсянь удждонө вуджам,
Челядьөс быдтам,
кыз кужам,
Верөсөс юөмысь видлам,
Оръясьөм сикөтшъяс йитлам,
Войөдзыс сёрнитлам-сөрлам,
Сералам, овывлө, бөрдлам.
Мый нөшта олөмад колө?
Огө тай нинөмысь полөй...



ГОЖӨМ

Тэ колян менам ки пыдөсө
гаддьөн
(Веж турун көрыс
кык часөн и вунас).
Бөр шкапө пырас
вушйөм ситеч платтьө,
Мед гөститөдны возөс
чужан луннас.

И дыр на посводз джаджын
пөрысь коса
Оз вермы веськөдчыны —
кынмөмаось лыяс.
Ой, гожөм, мем кө олыштны
тэ моза —
Дзик ставсө шыбитны
да пөдны шонді выяс...

Туйыс водзö тюрö, тюрö,
 Нуö менö чужан муö.
 Сэни медся дона олысь
 Оз нин вешйыв
 öшинь дорысь...



Көть муслуныд эз кольччы,
 Сөмын дзерөдіс,
 Но мыйкө и тэнө сійө
 велөдіс.

Со кужан көдзыд эшкын улө
 водны,

И во чөж тулыс-гожөмыстөг
 овны...



Асья кыа надзöникöн сотчö,
 Тайö важся вöтöй мырсьö-инö.
 Көть и быдса олөм муним орчöн,
 А со весиг казтыштлыны нинөм.

Пельöсьясын кынмöмаöсь мышгьяс:
 Вушйöм платтьö, резьдышталөм дөрөм.
 Кор нин бара-й öта-мöдысь пышгьям,
 Мед не вочаасьны кувтöдз
 мир туй шöрын...



Этша мелі кыв тэныд ме вичмөдлі.
 Тэнад синваён некор эг бөрд.
 Зэлыд морөстө
 Кужтөг ме личөдлі.
 Тэкөд олі,
 А тэнө эг төд.

Прөста өні со кок улад туплясьö
 Менам озырлун, сьөлөм дой, лов.
 Прөща лунъяссиянь да
 Прөща лунъясөдз —
 Тэныд мясянь дзик нинөм
 Оз ков...



Me коркө велала на,
велала

Водз тулыс арысь
торйөдыштны.

Me коркө серала на,
серала,

А, гашкө, весиг
ылөдчышта.

Me коркө пырала на,
пырала,

Ог повзы киссьөм
кильчө поскысь.

Me коркө ылавла на,
ылавла,

Мед меным сэки лоө
сё кызь...

Меным тэсянь дзик нинӧм оз ков.
 Весиг прӧща.
 Мед кӧ райӧ оз кыпӧдчы лов —
 Адын пӧжся.
 Тэ он гӧгӧрво, мыйсяма дой
 Керкаӧ лэдза.
 Сэсся нэм чӧж кӧть синватӧ кой —
 Лоӧ этша...



Тэ бара войбыд лэбалін.
 Эн соссы.
 Ме мудзтөдз шонти
 тэнсьыд көдзыд вом
 Да надзөникөн бөрді —
 друг он ловзы.
 Кор йөйталөмлы тэнад
 воас пом?

Но мый тэд менам керкаын
 оз тырмы?
 Вай висьтав, ставсө ньоба-
 лөсьода.
 — Ме прөста тэнад дзескыдінысь
 быдми,
 А тэ дзик мырдөн менө сэтчө
 төрөдан...



СЫКТЫВКАР

Тэнад ме кодьыс —
лыдтөм-тшөттөм.

Тэ он төд, корджык муна,
кор локта,

Кутшөм пасьтавла
платтьө-ковта,

Веськодь дзык.

Тэнад синлы ме
төдтөм.

Көть и сёрнитлім ми
эг өтчыд,

Гөлөс некыті тэнсьыд
эз вөрзьөд.

Некор ме бөрся, дерт,
он вөтчы,

Некор паныдасигөн
он гөрдөд...

Ме тэнö вунöдi. Вунöдi...
 Но мыйла нö сьölөмöй тiпкö,
 Кор öшинь пыр кöсйöны суödны
 Синьясöй тэнсьыд мичтö.

Ме тэнö вунöдi. Вунöдi...
 Но мыйла нö мöдкöд мем
 Гажтöм.
 И мыйла нö быд асыв курöдö
 Синваöй вунöм важсö?..



Ме эска — райыс кӧнкӧ эм,
 Ӧд мыйла, сідзкӧ, тэтӧг ола.
 И мыйла ӧшӧдчӧмысь пола,
 А ог тай мӧдкӧд дойӧс вен.

Тэ сэні мичаджык сё пӧв...
 Ме эска, эска, эска, эска...
 Мый вӧчан — тэнад ме невеста,
 И миян кӧлысь эз на вӧв...



Мый менам кывбурысь —
 Тэ өтиӧс он лыдды.
 Мый менам бӧрдӧмысь —
 Тэ синва кӧр он тӧд.
 Мый менам семьяысь —
 Тэ сы кийсь он мырдды.
 Мый менам муслунысь —
 Тэ сэтчӧ нэм он пӧд...



ЭН ПОВ


Эг тэныд ме биясөс өзтав,
Эг тэнө ме мөд ордысь виччысь.
Эг тэ водзын мудзтөдз ме йойтав.
И тэ эн жө менам вөв видчысь.

Ми эгө и петавлөй паныд,
А, сідзкө, ог тэысь ме пышйы.
А, сідзкө, и оз тэнад арыд
Шлапкы пельпомас съод рөма чышъян...



СЫКТЫВКАРЛЫ

Быд волігөн рочасьомтö серала.
Эн вид таысь.
Прөстö тадзи тэ дорö ме велала —
Сурö ваысь.
Прөстö тадзи чужан кылöс вунöда
Вокъяс бөрся.
Быттьö көнкö ачымöс друг суöда,
Сэсса öвся...



Миян синъяс костын
 Абу туй, а вояс.
 Миян сьёлём костын
 Абу би, а дойяс.
 Миян лов шы костын
 Абу содз, а Ен...
 Аддзысьлёмлысь полём
 Он нин сэсся вен...



Гожом сылі кампетон.
 Енэж дзыкөдз резьдіс —
 Быд пельёсысь ва петө,
 Керка вевт оз мезды.

Неуна и ылавлі,
 Весиг юр эз висьмыв.
 А со пескөй кылаліс,
 Турун доддьöй сісьмис...



Аддзан, өшлө кодзувъяс
 пемыд вой.
 Кылан, небзьö надзöник
 сьölöм дой.
 Юркытш кыö-кöрталö
 зарни ун.
 Вунö, вунö бара на
 гажтöм лун.
 Паськöд китö-бордьястö,
 да эн пов —
 Ылі муö лэбзьöдас
 кокныд лов...



Сиктös кампет моз
 ньылыштiс рыт.
 Öшинь кодзулысь сэссия
 он торйöd.
 Бөрья катернас ме дорö
 кывт —
 Бара кутлысям-окасям
 войбыд.
 Тэнад шоныдын
 ньöти оз йидж
 Мамлөн нöйтöмыс.
 Гильöдас муртса.
 Тайö висьöмсьыс
 петшөр эз видз,
 Öзйысь ловлы тэ
 нöшта на муса...

Пөдөм дуксө төлөдны,
 Ышмөм возйөс өлөдны
 Льөм пу улө вольсаліс
 Джодждөрасө ар.

Төлөдз, эськө, любуйтчи,
 Кывбур тэчи-мучитчи,
 Эз кө мамлөн кураныс
 Виж дөрасө гарт...



ДЗОДЗӨГЪЯС

Эн на слөймөй гажтөмтчөмтө дзедны,
А со колө выльысь мунны-лэбны.
«Бара арыд көзьяйкаөн вөтлө»,—
Шөпкөдөны дзоръяс өта-мөдлы.

Кутшөм бара-й сьөлөм татчө колө?!
Еджыд лымийөн гөнныд усьө-кольө.
Көсынकाөн өвта сьөд чут быртөдз.
Аддзысьлытөдз, ёртьяс!
Аддзысьлытөдз...



Шаньга нюрын, көнкө,
 Важөн тѣпкис мырпом,
 Ньөръястөм кыздз весьтө
 Чукөртчывлө геб.
 Сөмын лолөй менам
 Век на, век на тыртөм.
 Нинөм на ме сэтчө
 Мыйлакө эг дзеб.

Ог төд, мый и кута
 Казьтывлыны төвнас,
 Кутшөм рөмтор өзтас
 Еджыд гуын би.
 Резьдөм кывбурьясөс
 Мыйөн вурла-дөмла,
 Кытысь нюмөс перья
 Локтанныд кор Тi...

АРЛЫ

Пуксыыв пызан сайö,
юышт сурсö.
Ачыд ёна чöсмöдлин
ас кадö.
Ёна кольмывлі ме
тэнад кольквиж чадйын.
Öн-на весиг лысьöм
öдва дзуртö.

Тöдсаяслы лöгавнытö
нинöм.
Бөр на локтан,
олöмыс öд помтöм.
Юмов сурсьыс тэ
эн вежыньт вомтö.
Часлы, мыйкö пырис
шуйга синмö...

✕ ✕ ✕

Гортын вежлалöны шебрас,
Сідзкө, бара ар.
Сідзкө, бара тэнö мырддяс
Мустөм Сыктывкар.

Бара öшиньö ме лясся,
Бытьö польдчөм ном,
Виччысьны, кор Енмыс пуктас
Янсöдчөмлы пом...



Шондіой, шондіой,
Петав вай, петав.
Рудодом сьолөмөс
Ывлаыс летө.

Пыдөстөм гурангъяс,
Лолавтөм вөтгъяс.
Кор бара-й бөрдөмсьыс
Бурасьла-пөтла.

Шондіой, шондіой,
Беринось чужөм.
Мыйла ме татшөмөн
Свет вылас чужлі...



Бөрсянь локтысьяс,
 Водзё мунысьяс,
 Коркё казтыштöй
 Менсьым ним.
 Сэтшöм долыд мем
 Лолас мöдарас,
 Бытьö петавлас
 Муса лым...



✕ ✕ ✕

Öшиньö парсасьö зэр:
— Лэдзыштлөй. Дзикөдз нин йизи.
Квайт час, а, гашкө, и сизим
Таркөдча. Быгаліс сер.
Мудзөмла лазъялө син,
Чаштісны абутөм гыжъяс.
Мыйөн ме татшөма мыжа?
Некытчө шогөй оз ин...



МАМУКЛЫ

Кутшөм эськө кывъяс
тэныд вичмөдны,
Кодкөд эськө
өткодьявны тэнө?
Ог төд.
Ме өд век на тэнад
ичөт ныв,
Көть и ачымөс нин олөм
важөн венө.

Кымын аттьө
висьтавны тэд вунөдi
Да и кымынөс на
вунас шуны...
Мырдөн зiля тувчавны
кок туйөдыд,
Сөмын, буракө, ог вермы
некор суны...

Н.

Өшиняд быд асыв видзöда,
 Войяслысь гажтöмсö личöда.
 Тöда, кор занавес саяд
 Вом дортö сотö пöсь чайыд.

Мед эськö, кевма, и менам
 Шоныдөн кодöскö венас
 Вежыньтчöм керкалөн лолыс,
 Да сийö тшöтш шудаён лоас...



Тэ менö кöнкö виччысян,
 Ме тöда.

Тэ шуштöм керкаад
 И ывла вылас пöдан.

Ни сур, ни синва
 Кушинтö оз тырт.

Тэ гажтöмыдла косьман
 Асыв-рыт.

Ме тэныд паныд
 Лöсьöдчи нин петны,
 Мед тэкöд олöм
 Ен кабырö сетны,
 Да тэкöд орччөн
 Шонтыны сёй гу.
 Мен сьölöм индас,
 Көнi тэнад му...

Сы мында во тэнад олөмөн олі.
 Сы мында во.
 Сы мында во тэнад синваён сола
 Инастьом лов.
 Уджйөзөй сё пөв нин тэ водзын мыні.
 Он гөгөрво.
 Эбөсөй быртөдз ме тэ дінө сыні.
 Сөмын эг во...



Абу на сёр ставсö бергöдны бөрö,
 Мед сэни турöбыс ланьтлытöг сөрö.
 Мыйкö öд коли на сьölöмад важыс:
 Шогсьöмыс-кевмöмыс, сьылöмыс-гажыс.

Пет еджыд лымас, и ме паныд пета.
 Видзöдлы ме выlö — олöмöс сета!..
 Шпыньялö асылыс бöрдöм шы улын,
 Быттьökö тöдö, код бокын тэ куйлан...



Тэ шуин: «Муслун — сөрөм!»
 Да вештін менсьым ки.
 И уси муодз сьёлөм,
 И кусі синмысь би.

Но тэнö ме эг ысты,
 А ачыд тэ эн мун.
 Сідз вочасөн и кыскам
 Төв-гожөмсö вой-лун...



ВӖРЛЫ

Медводдза лымсянь
Медводдза корӖдз
ОгӖ вай пыралӖй
Ӗта-мӖд дорӖ.
БурдӖдам дойяс,
ЛичӖдам лов,
НинӖмысь сӗсся мед
 повны эз ков.
Аддзылан, янсӖдчӖм
 пыркнитас руӖн!..
ОгӖ кӖ аски жӖ
ГажтӖмла кулӖй...



Ме гусьон: «Кутшом еджыд лым...»
 Тэ керка тырөн: «Бара кодйысь!»
 Тэ менсьым шөпкөдчөм он кыв,
 Ме прөста абу тэнад мойдысь.

Ме лыддя лым чиръяс, тэ — пес,
 А торксям — выльысь заводитам.
 Тадз радейтчөмлысь вөсни гез
 Ми, төдтөг, гөрөдалам-йитам...




Кыз эшкын улын
 йизьём кокъяс шонтан.
 Виж тулысөдзид —
 быдса нэм дай вежон.
 И коді төдас,
 кор на сійө локтас
 Да кымын тулыс
 гуся мөвпсө вежлас.

Лым тола понйысь бурджык
 кильчө видзө.
 Кор петлас руыд,
 видзөдлан — и сөмын.
 А рутлөм ковта
 көдзыдысь оз личөд.
 И тэ он төд,
 кыт нөшта сылысь
 дөмны...

Неважөн на нылыс вöлі муса,
 Неважөн на зонмыс
 шудас пöдіс.
 Жалитышттөг шудлөн зарни кусіс,
 Быттö дзирдавысö
 Съод му вылас пöтіс.

Мелі кывъяс пыдди —
 горзöм-маткöм.
 Код нö эськö том параöс керис?!
 Еджыд тöлыс помся гажтöм каттьö...
 Прöстö öні зонмыс —
 нывлөн верös...





6. Анжелика Елфимова

Синъяс шымыртіс помтөм еджыд.
 Мудзи личодны пөдтысь шог.
 Мыйла шулін, мый төлыс дженьыд.
 Со тай тулысыд эз и лок.

Быри пескөй и сиськөй быри.
 Кынмөм морөсын — шы ни ру.
 Ог кув сыысь, мый лымйөн тыри.
 Кула сыысь, мый тэ он вун...



✕ ✕ ✕

Ен да му костас
Ола-лэбала,
Паськыд лов шыö
Мырся-велала.
Ог төд, лым чирөн
Али кодзулөн
Усьны кок улад,
Мед тэ кодзылан...



✕ ✕ ✕

Ломты пачтö,
Пузьöд чайтö,
Перйы гөбöч джаджсьыд
доз.
Вунöд лөгтö,
Чукöст менö.
Пукальштам
Важся моз...



Тöлыд ассьыс уджсö тöдö:
 Оз кö талун, аски тыртас.
 Код сэн бöрдö: «Муыс пöдö!»
 Мулөн бара-й лолыс тырмас
 Тулысöдзыс гусьөн сывны
 Йöзсянь кывлöм сьыланкывъяс.
 Мукöд войö позьö кывны
 Кок туйясöд петысь шыяс...



Помтөг эськө тадзи мунны
 төв шөрөдыс,
 Гусьоникөн кывтор шуны,
 дырөн — мөдөс.
 Кок туйнымос венчайтөны
 лым чирьясыс,
 Кольөдөны сэтчө, көнi
 садьмө асыв...



Гын сапөг толаө суналө.
 Би сюръя шөпкөдө-туналө.
 Öшиньлөн чужөмыс векнялө.
 Паччөр выв гежөда рекмывлө.
 Төв...





Порог водзын каньöй мыссьö,
Эг на верд-а.
Код нö эськö корсьö-мырсьö
Менсьым керка?

Тövбыд öти кок туй тюрис
Вөлөсьтöдзыс...
Карта сайын нопя тулыс
Ноксис-жödзис...



ЯНСӨДЧӨМ

Олөмыс кузь на,
Аддзысьлам коркө.
Оз өд позь вужнас
Нетшыштны ёрттө,
Код пытшкө чөвтлин
Став гусяторъяс,
Коді пыр дөмлис
Косясьлөм бордьяс...



Аддзысьлытөдз! Аддзысьлытөдз...
 Муыс гөгрөс пө дай ичөт.
 Асывсяньыс пемыд рытөдз
 Менө туй вывсьыд тэ видзөд.

И ме тшөтш жө чатрасьышта.
 (Весиг өчкишойөс корся).
 Мед кө костным олөм ыджа,
 Сөмын меланьö тэ восьлав...



Югыд бисö эн вай биав,
Пемыдінас пукалыштам.
Менам киöй

тэнад кийн.

Весиг пачным лöньсьыс
дышмö.

Сэтшöм ёна быри гажöй
Тэнад кöрысь. Чеччö сьöлöм,
Быттьö аддзöдчывлім

важөн,

Эськö пэсла петлін
сöмын...



Эн гажтөмтчы метөг.

Эн бөрд.

Ме кытшовта мусö

И локта.

Ог төд на, мый олөмас

вошта,

А мыйысджык лоа

дзик пөт.

Ме локта.

И тэ ордö бөр.

Мед сьөлөмөй кузь туйысь

сырмө,

И бурдөдысьыс сийөс

тырмө.

Сэн тэ.

Сэсся некод оз төр...

Ёна и «окаліс»
 яндысьтём зэрыс,
 Питшөгөдз пыраліс
 вösньыдик ки.
 Буракö прамöя
 дуб ванас «керис»,—
 Сьölөмöй пöгибö
 воштис нин дзик:

Морöсысь чеччö,
 ни узьöм ни олөм.
 Врачьясöс корлі,—
 ог нинöмөн вись.
 Оз кө и октябрыс
 ульсалөм лолөн
 «Керöмысь» мезды —
 Öзты, мам, сись...



АРЛЫ

Верми кө,
руд енэжөдыд малалі,
Да бордъясөс тай
Муса верөс
таляліс...

Кужи кө өд,
Мамө моза
ыдждөдлі,
Да кывъясөс тай
Нылөй карө
пышйөдіс...

Көсийи кө,
И тэкөд муні,
ловтөмөй.
Да кодлы нө ме кола,
аслым ковтөмөй...

А öти рытö
 тэныд ставыс мустöммас,
 Да петан тэ
 выль олöм-вылöм корсьны,
 Кöть эськö вajas
 Эн вöв медся шудтöмнас,
 Кöть эськö гажтöм
 сьölöмтö эз босьтлы.

Но окота друг лоас
 туйтö вунöдны,
 Няйт гуранъясöд
 эбöс быртöдз лэбны.
 Мед важөн пышйöм
 вильыш нывсö суöдны,
 Да гусьöникөн кисö
 киад дзебны...



СЫКТЫВКАРЛЫ

Тэнад вөлөм ни енэж, ни му
Гөгөр дорөма сiмлытөм
көртөн.

Весиг некытчө
Лэбзывны вөтөн.

Мый нө ланьтөмыд,
нинөм он шу.

Юмов сур пиад
лолөй оз пөд,
Топыд кутлөмад
сьөлөм оз шонав.

Вежон, төлысь, а гашкө, и
во на

Овны тадз...

Весиг ачыд он төд...

И.

Ми тэкөд некор эгө рөдасълөй,
 Кузь вужйысь быттьö
 тiрзим-полiм.
 Кымынысь едждылiм
 И сьодасълiм,
 Но öта-мöдысь
 бокын олим.

И менам лимзалöмöй —
 буситöм,
 И синва шорлөн
 курыд көса
 Оз гегдöд небыд еджыд
 кучиктö,
 Ни морос кушинтö оз лöсав...



Көть и уськөдчылін вөтө,
Лунтырөн тай

эн и паныдась.

Арся зэрас

сьөлөм пөдө.

Код нин бара-й

кутлас-шаньодас.

Таладорас, гашкө, сэсся

Он и волы, он и

мыччысьлы.

Прөста эшкын улын

песся,—

Восьса синмөн тэнө

виччыся...



А сингъяс кевмисны
 «Эн мун...»
 И синва шорö
 сьөлөм пöдiс.
 Сьöd кок туйяслы
 Тöлысь-тун
 Виж джодждöрасö плавгис.
 Тöдiс,
 Мый тавой петан
 быттьö шыш,
 Он весиг пöдлышт
 дзуртысь öдзöс.
 И катликасьысь муса мыш
 Пем вошас орчча парма лöзас...





Мусö зарниён коялö ар,—
Няйтсö дзебö.
Луныс вывтi нин
Дженьыд да няр,—
быри эбöс.

Регыд, регыд,
Он гөгөрво кысь
пужтор чужас.
Сэссия енэжён пожналём пызь
лымйö вуджас...



Тöрыт на тривкъяліс гожöм,
 А талун со шöчалö ар.
 Эг чайтлы, мый туйыс кык вожа,
 Эськö эг таласö гарт.

Мый дыра тэ бöрся вöтча,
 Весиг он мычывлы мыш.
 Тöрыт на гожöмыс кöвтчис,
 А ар нин со сиралö пыж...



Олөмсьыд пö
 колö мунны мичаа,
 А, гашкö, кыдзи олин...
 Мыйысь, сідзкö,
 менö видзан.
 Мыйысь полан...



Медбөръя шондiөн
 гожöмыс малалö.
 Енэжыс гудыртчö,
 ыркыдсьыс палялö.
 Аскомысь ёртъясöй
 лунвылö лэбасны.
 Бара мем öтнамлы
 арыскöд рöдасьны...



Восьса өшинь улын май
 Нюмнас ёрö.
 Мөдлапөлö дзодзөгөн
 Уйны корö.
 Майлы эскыны
 Оз позь.
 Шоныд ковта
 Пельпом вылö шлапнита,
 Пачьяс ломта...



Важон сөнікасис чайыд,
 Чорзис нянь.
 Дасысь корліс
 ыджыд мамыд
 паччөрсянь.
 Тэнад быттьö гөгөр куліс.
 Овлывлө...
 Тайö бара локтö тулыс
 му вылө...



Визувтлі
бөрдөмті,
кевмөмті,
лөжті.

Тэ меным муса нин.
Муса нин.
Пөшти.

Велалам.
Өтканад нөшта на
гажтөм.

Ме тэныд кола нин.
Кола нин.
Гашкө...



Ме бара аслам сиктын.
 Бара
 Йөз йөрө чатрасьомөн довга.
 Гын сапөг улын гирскө чарөм,
 Быд воськов кыскө увлань ловтө.

Мам керка рудөдөма,
 Вежынь.
 Кузь төлас
 лөсьөдчөма вошны.
 Кык мездор кос пес
 сетас вежань,
 Мед енэж вевтсө
 тшынөн потшны.

Рытгорув өшинь
 восьтас синсө.
 Кыз тшайник пондас
 пуны-пөдны.
 Кын сьөлөм аддзас
 аслыс инсө
 Да корас паччөр вылө
 бөрдны...

А тэ некодысь эн пов.
Греклы личодомтö корсям.
Збыльыс — сöмын нянь да сов,
Сэсся ставыс тані ворсöм.

Кытчö көсьян, сэтчö-й мун.
Көсьян, карö, көсьян, вөрö.
Збыльыс — сöмын вой да лун,
Сэсся ставыс тані сөрöм...





Коркө тайё ставыс бара лоас.
Уськөдчасны еджыд небыд толаас
Кодзувьясыс.
Ёвкнитыштас көдзыдыс,
Сэссия-й гудыр синва войтсө
шорё сөдзөдас.

Котөртасны кыкөн кутчысьёмөн.
Отарыслөн гын сапөгыс дөмөм...
Коркө Енмыс лөсьөдас дзик тадзи өд?
Жаль, мый некор тайёс тэкөд ми ог
аддзылөй...



✕ ✕ ✕

Муыс катовтчö тулыслань.

Слабог.

Аски-аскомысь,

Бытьёкö ва боль

Шыөн шлочнитас

Пос помын гуран.

Нырсö чатыртас

Жебиник турун...





Гашкө, төд вылад
рытъядор уськөдлан.
Гашкө, вөтъяснад воча ныр
пуксьөдлан.
Гашкө, кодкө дзик ме моза
видзөдлас,
Ме кодь нюмторйөн
чужөмтө личөдлас.

Коді төдас,
мый водзынас виччысьö.
Гашкө, ылөдлас
бердад выль ниртчысьыд.
Гашкө, мыйла кө
эновтан сёөдтө,
Да и ме дорө воан на.
Колөкө...

Тэ абу скөр ни абу колысь.
 Тэ некыдз абу карын олысь.
 Вай, өдйө пышйы татысь гортад,
 Да сьолөм колястортө водтөд.

Мед карыд кодзувъясөн койö,
 Быд кодзув сылөн ловтө сёйö.
 Вай, котöрт, котöрт, да эн чатрась.
 Быд усьöм кодзув — сотчöм сартас...



Еджыд лымйөн
 Тупкыяс му веркөсыс.
 Код дорө тэ
 Лым толасө таялан?
 Кутшөм морөс вылын
 Аски палялан.
 Коді тэнө шуас
 Аслас верөснас?

Еджыд лымйөн
 Тупкыясны синъясөй,
 Тупкыяс гөрд вом дорөй
 Да сьөлөмөй...
 Кодкө меысь шудаджык на
 Вөлөма...
 Коркө сылөн шудыс
 Ме моз чинлас-ө...

Эз некод вөтлы,
 Ачым муні.
 Эз некод ылөд —
 Сьөлөм сэзь.
 И мамлөн кывъясысь
 эг уммы,
 (Мед унджык кывйыс
 вошө весь).

И веж эз петлы
 Вокъяс вылө,
 Мый налөн карын
 оланін.
 А со тай йөзын
 лолөй сылө,
 Да мырдөн корсьö
 шоньдін...



Мыйӧн матысмам,
Сійӧн ылысмам.
Кияс киясын,
Синъяс — дзебасын.

Мыйла ылӧдчам,
Мыйла мучитчам,
Корли олӧмным
Войт нин кольыштис...



ТУЙ ВЫЛЫН

Йизьом өшинь бердын,
Кушмөм пасьяс костын
Кывза сьолөм бертөм,
Петтөм синва косьта.

Туйыс өдва водө
Автобусыс улө.
Вочаалас коді
Вунөм пувья юмөн?..



Ме пöда тэнад
 топыд сывйын,
 Ме быттö чери,
 кодi тывйын
 Мый вынсьыс пессö-
 петö ортсö,
 Мед ньылалыштны
 сынöдторсö.

Тэ окалан.
 Тэ синнад сотан,
 Тэ кöсйöмъясöс
 öктан-вотан.
 Но личöдны
 он вермы лолöс
 И быд лун матыстан
 нэм помöс...

Помтөм войын еджыд бобув лэбалө.
 Оз гөгөрво усыны югыд лэб улө...
 И ме тшөтш жө
 инасьтөм да эбөстөм,
 Быттьö мустөм зонлөн
 мустьöм невеста...



Н.

Мед сэни турёбыс
 толаас туплясьö,
 Терпитышт тöлыслысь
 медбөръя здукъяссö.
 Эбöstом ловшынад
 öшиняд лолалышт,
 Абутём синванад
 йиторсö солалышт.

Мыччасьысь шондiыс
 пöжасьны дасьтысьö,
 Медвöсни платтьöас
 пельсьыс пасьтасьö.
 Терпитышт неуна,
 удитан кулыштныд.
 Абу мöй окота
 йинёнсьö нюлыштны...

Ог төд, кытысь локтін,
 Ог төд, кытчө мунан.
 Кымын олөм лотін,
 Кутшөм нимөн шусян.
 Карөй синмад кольчча,
 Пытшкөсад ли тюра.
 Öтнам төлас сотча,
 Али тэкөд кула...



Тэ эн и тӧдлы,
мый ме тэнӧ
радейтлі.

Мый енэжӧдзыс
морӧс бердын
катӧдлі.

Тэ эн и тӧдлы...

Бур,
мый эн тӧдлы...



Тэон тэчлөм корөсьыд
небзьөдігас гылалі.
Тэон кутлөм ныланыд
саялін, и ылалі.
Тэон гижлөм кывбурыд
тшынөн вөтчө бөрсяньыд.
Мый тэ коркө лолалін
кывла, гашкө, йөзсяньыс...



В.

Тэ менам кывъяслы эн эскы,
 Тэ менам синъясö эн ылав.
 Мем аски тэкöд
 Лоас дзескыд
 Да пышъя садътöг
 Ылö-ылö.

Тэ ассыд сьölöмтö эн кульышт,
 Оз йиджтысь сэки синва-дойыс...
 Тэ прöстö
 Мекöд орччөн куйлышт,
 Мед кузьджык лоас
 Гожся войыс...



✕ ✕ ✕

Чусмём кодзувъяссö сера курöг
кокаліс.

Лысва сикötш мольöн
югзис лудлөн потаныс.

Пета, лолалышта
олöмыслөн садъмöмнас,

Гашкö, кызкö-мыйкö
öта-мöдкöд ладмам на...



B.

Югдö. А ме синмöс эг на куньлы.
 Бергалöмсьыс вольпасьöй нин кольмис.
 Мед көть öти здук кежлö тэ вунлан!
 Мед көть дойöй муртса менö кольлас!

Бара лунтыр овны мырдөн сорөн...
 Оз нин, бурак, жалитысьыд сюрлы.
 Мыйла, муслунöй,
 Он лэччы синва шорөн,
 Он сет личöd
 Морöслы ли, юрлы...



✕ ✕ ✕

Тэ мунан.
Тэ вошан,
И бытгьö эн менамөн
Ичöтик Олöмас вöv.

Горзömös,
Ымзömös,
Кевмömös
Шаньödас
Йирк вылö шыбитлöm кöv...



Тöлыс коз пу улö йöжгыльтчöма,
 Кыйöдö:
 Дыр-ö Тулыслөн оз мыччысь
 Шондi-юркытшыс.
 Кöсийö гусьöникөн
 Уськөдчыны мышсянныс,
 Медым пöттöдз нывсö
 Тола пиас туплявны...



ВИЧЧЫСЬӦМ

Кык вежон чӧж нин
 гӧна шапка зэлӧдӧ.
Кык вежон чӧж нин
 гынсапӧгӧй дзескыд.
А мамӧй оз и мудзлы,
 ропкӧ-велӧдӧ:
«Эн сибӧд, бара-й,
 мартлысь муртса несйӧм».

Дас нель лун чӧж нин
 увлань юра олӧмыс.
Быд войӧ небыд кымӧръястӧ уя.
А мамӧ ассьыс:
 «Дзикӧдз, нылук, омӧльтчин».
А ме эг омӧльтчы,
 ме петӧ муслун туйӧ...

АПРЕЛЬ

Медбөръя кодзувъяс
Усьёны тувсовъя няйтас.
Шонділысь енэжсö
Ёна нин төлысьыс пайкис.
Ловзьöмаöсь ракаяс
(Натöг нö праздникыд
кызди!)
Кар тырнас вензьöны —
Бöрйöны платтьöсö кызлы...



Ньюжмасьö
 тувсовъя луныс,
 Очсалö гежöдик
 шондiөн.
 Тöвбыднад йиджöма
 унмыс, —
 Лэдзлас да
 бара на шобрöдлö.

Мый вынсьыс
 кучиксö зэвтiс
 Ва гуран. Видзöдлан —
 розялас.
 Толалөн рудöдöм
 зептас
 Регыд нин
 дзоля шор позъялас...

ВОАС ТУЛЫСЫС ДА...

Мыччыясны берингъяс
Тэнад векни чужомад.

Көтөдасны кок туйтө
Увлань юра йинёньяс.

Кевмысьыштас тэ понда
Небыд юра бербаыс.

Гөгөрвотом юмовыс
Топодыштас морөстө...



Пырав ме дорö —
 Лэбалыштам.
 Кыссысь йöз вылас
 Сералыштам.
 Дзикöдз вижöдiс
 Вунöм бордйöй.
 Дзикöдз мустöммис
 Семья-гортöй.
 Кежав аски жö —
 Лолалыштам.
 Паськыд енэжнас
 Кодалыштам...



Өшинь улös майыс дөмө
 Шондi рөмөн.
 Мижуй төлыс ёльö лэччö,
 Усьö-чеччö.
 Кыдзьяс-кагукьяссö
 Корйö —
 Рузумторйö
 Енмыс төбö,
 Рытъя чöвлы
 Съылö «өввö»...



(М.Цветаевалысь вужжөдөм)

Рөмпөштанлөн гудыр вөтө
Сунала.


Кытчө тэнад водзё туйыд
Тунала.

Пыжөн кывтін,
Сэсся пуксин поездö.

Кольччысь муыс
Руö дзебё дойяссö.

Рака-войыс мудзём бордсö
Веськөдö...

— Кытчө көсьян, сэтчө-й мун,
Дзик веськодь мем...



МУЛЫ ТУВСОВЪЯ СЪЫЛАНКЫВ

«Чеччы, чеччы, кагукöй... —
Сьылö пöч,—
Эшкын улад нускин со
Пыктавтöдз.

Нёшмасьышт да польöдчышт
Шорьясас.
Сералöны-гигзьöны
Борьясыс.

Смоль сьöд, небыд юрситö
Сынала,
Төлöдышта ар дуксö
Сынöдас.

Тэрмасьышт, вай, аканьöй,
Сьөлөмшөр.
Гажтөмтчис нин жöникыд —
Вильыш гөр...»

Менö тэ пыдди
 кольöдiс зэр.
 Пельö тэ пыдди вашкöдiс:
 «Кольчы...»
 Сылөн небыдик паръяссыс ме
 Пöшти коддзи.
 Зэркöд асылöдз
 шлапсьöдiм ми.
 Гуран-саридзьяс
 öтвылысь «шутiм».
 Сiйö тэ пыдди шоналöм ки
 киас кутiс...



Быгалом бус пиын
 Чеччөмсянь шляйчча.
 Төвруыс понпиён
 Кок улын гартчө.
 Пөрны кө гусьоник
 Гутө ли номйө!..
 Сөмын өд беринөй —
 Сизимсё комын.

Турунвиж кымөрын
 Шомакор гигзьө,
 Лысвалөн колясыс
 Синъяссъыс киссьө.
 Көкинью, позьө кө,
 Туналыш унджык.
 Абу на окота
 Мөдарас вуджны...

Менам Енлы
 вичкояс оз сулавны.
 Сэні сисьяс питіыс
 оз уявны,
 Батюшколысь молебэн
 оз кывзыны,
 Клирос вылын
 зонкаяс оз ымзыны.
 Сы дорö оз кежав
 «ЫДЖЫД чинъяса»...

Менам Енмöй ме кодь
 мугöм синъяса.
 Öшинь дорын лун-вой менö
 кыйöдö.
 Синва войтнас сямтöм туйöс
 шыльöдö...



Став кывсö шуöма,
 Став нюмъялöмсö зэвлöма,
 Кок туйяс öктöма и косявлöма.
 Бörd.
 А локтан бөр, —
 И кывйыд тэнад вунöма,
 И кыз пу улад
 Нимкодясьö мөд...



Вежон кежлө сибөдчыліс гождөмыс
 Менам карө.
 Эг на удит юльсө пөдтөдз ошкыныс,—
 Гөгөр ар нин.

Лөза-вижа ывла вылыс гегдөма
 Йи зэр улас.
 Сідз и гөрддзасьлытөм өмидз-лежнөгнас,
 Коньөр, кулас...



ЮЛЬ

Гожомыс лымъялӧ
сизимӧд вежон —
Тырӧма кар.
Нинӧм оз гӧгӧрво
томиник лежнӧг:
— Та ӧдъя ар?!

Гӧрдӧдӧм вом дорсьыс
пӧлышта лымсӧ —
Ыджыд тай шог.
Бӧрддыны лӧсьӧдчысь
беринӧсь нывсӧ
Ог бӧрдӧд. Ог...



Кывтор бөрся кывтор —
 Ямис бөръя сёрни.
 Воськов бөрся воськов —
 Косавнытö сёр нин.
 Тулыс бөрся тулыс
 Ар да гожём костöd.
 Олём бөрся олём
 Верöstөг ни позтөг...



ГОЖСЯ СЕРПАС

Восьса өшиньяса керкаын
Ойбыртчөма мудзём кывт.
Няньтор нильзё
Помой ведраын.
Кадыс кывтö и оз кывт.

Лапыд джоджын
Матич вашъялö,
Онишпырысь шузё йöв
Пызан вылö кольём чашкаын.
Асья руöдз гөгөр чöv...



В.

Войыс сибөдчө өшиньяс пырыс.
«Ме ог бөрд, мыйкө синмө тай
пырис...»

Туйыс плавгысьөма кильчө сайө.
«Вывті пось тэнад стөканын
тшайыд...»

Тічкө часі. И ылөдчө. Муртса.
«Шонтөм улөсыд нөшта на
муса...»

Шогыс мөдөдчис лысвасө көвтны.
«Дзикөдз кольчча өд, колөкө,
вөтлы...»



Тэ кольччан асылөдзыс сөмын.
 Он вур тэ сьөлөмөс,
 куш дөмлан,
 Мый луннас сійө
 бара резьдө,
 Көть сунисыс и ён пө
 эськө.

Тадз нэмсө, бурак, ковмас овны —
 То йитчивны,
 то другысь орны...
 А, гашкө, ставсө
 выль пөв эжны
 Да вурсьысь-шөрасьысьсө
 вежны...



Тэнад кильчө дорө
 Мөдөн туйыс юждөма.
 Сийө мусаджыкөн
 Меысь лоны кужөма.
 Сөмын потшөс саяд
 Век на гусьөн ветлөдла,
 Шөйтись понъясылысь
 Мырдөн серам петкөдла.

Гашкө, тадзи тэнад
 Шудлун вөсна кевмыся,
 Гашкө, сьөлөмторйөс
 Тадзи сотны тэрмасыя.
 Гашкө, лелькуйта да
 Вида ассыым полөмөс.
 Гашкө-й, виччыся,
 Кор сылас южмөм толаыс...

Олөмыс петкөдлас,
 Мыйла ме чужлі.
 Мыйö эг босьтчыв,
 А мый эг и кужлы.
 Кытчаныö муні
 Да кодарö вои.
 Кодөн пыр көсйи,
 А кодөн со лои.

Енъюгыд олөмөй,
 Ёна эн дивит
 Сыысь, мый сьөлөмөй
 Тэ дорö сибыд.
 Сыысь, мый асмоса
 Лолавны көсья.
 Сыысь, мый куса
 И сыысь, мый өзья...

Сикт сайö йөршитчөм оляс
 Синмöй колис.
 Та дыра ветлөдлан-шöйтан,—
 Кор и пöтлан.
 Шешъялö потшöсöдз тола,
 Тшайöй сола.
 Здук кежлö петав кöть. Нюммöд,
 Сэсса-й, вунöд...



Коръяс дзодзөггяс бөрся
 эз лэбны,
 Шытөг усины
 шпыньялысь няйтас.
 Сійö ёна нин
 пуяслысь дзайгис
 югыд зарнисö.

Коръяс дзодзөггяс бөрся
 эз лэбны.
 Найö енэжлысь көрсö
 оз тöдны...
 И ме мый вынысь
 вывлань жö
 мöдлі.
 Со тай, тупляся...

В.

Кык кыв,
И весьöpортас чöлыс.
Кык кыв,
И кок туй тыртас тола.
Тэ меным медся муса вöлин,
Тэ меным медся муса колян.

Кык кыв,
И нетшыштасны сьölöм.
Кык кыв,
И — водзö овны полан.
Öд тэ мем медся муса вöлин,
Öд тэ мем медся муса колян...



Ен мед видзас
 Муса олөмөс.
 Ыджыд видзө
 Прөща корөмөн.
 Маджаланьö —
 Типкан сьөлөмөн.
 Збойөн, шаньөн
 Енэж пөлөныс.

Чужан кывйын
 Лолөй чунясьö.
 Зэрын-лымйын
 Садьтөг шуда жö.
 Кор и пөтла
 Сынöd колөмсьыс!

Эм-ö мөд на
 Татшөм олөмыс...

Менам тэ кындзи
 Некод абу.
 Кыткө увгөмөн,
 Кыткө ладон.
 Тулыс-ар пырыс
 Сьорсьөн-бөрсьөн
 Кок туй разалө,
 Арлыд чөжсьө.

Орчча дивитлас
 (Век жө сёрни),
 Сөмын вежсьыштны
 Быттьө сёр нин.
 Велалөмыд өд,
 Дона шабур,
 Да и тэ кындзи
 Некод абу...



В.

Чаньлөн щөтыс бурыслань,
 Төвлөн сөптыс тулыслань.
 Менам кок туй тэлань,
 Быттьö вöсни черань вез.

Ышмыссис, тай, төдлытөг.
 Шуда вöлі төрыт öд,
 Талун öдва лолала,—
 Юммöдан ли солалан...



А, гашкө, нинөм оз и ков
 Шуны.
 Гуранө — сьөлөм, гуө — лов
 Суні.
 Эз некод тшөкты-мырдөнав,
 Асьным
 Тадз көсйим. Синлыс мыйла нө
 Вазьө.
 Кык кага муслун чачаысь умим
 Да колим, йөйөс, шлячаө
 Кувны...



КЕВМӨМ

Мед тэкөд орччөн
унмовсьыны-сaдьмыны,
Мед тэнад шыө
лолалөмөн ладмыны,
Мед тэөн бөрдны,
тэөн жө и серавны,
И тэөн, тэөн
личавны да зэлавны.

Мед тэнсьыд питө
сьөлөм улын лелькуйтны,
Мед тэкөд өтвыв
тільсьыны и немуйтны.
Мед тэ мем вөлін
корысьөн и, сарөн и,
Мед тэа-меа —
му пытшкө ли, райө ли...



А меным любö
 Коми кывтö кывзыны,
 Кöть эськö сійö
 Рочмöма нин кызвыннас.

А меным кокныйд
 Коми кывнад мöвпавны,
 Кöть эськö быдөн
 Зильö сійöс вöйпöдны.

А меным муса
 Коми кывнас гижасьны,
 Кöть эськö сыөн
 Сьökыд öнi инасьны.

А меным майбыр
 Коми кывкöд рöдасьны,
 И еждыны, а ковмас кö и
 Сьödасьны...

Алёна Ельцовалы

А муртса рытыс
 кокъяснымös венас,
 Ми тэкöд мудзтöдз
 кывзам Джо Дассенös.
 И сэтчö, сэтчö,
 ылі чужанінö
 Вöсньыдик ловъяс
 жбырнитасны инны.

Тіралысь ва чут
 чужöм бокöд кырас,
 Чунь помö дзебсяс:
 «Ёгтор синмö пырис...»
 Со бара ньöти
 узьтöм коли войыс.
 Москваса асыв
 кывбурнымös лояс...

Сьёрсьён-бёрсьён

Быгалёны войяс.

Эжва юлөн

Берег пёлыс —

Ойя!

Потшös бокын

Вижьюр сора нигён.

— Мыйкё нöшта?

— Нинём, Енмöй, нинём...



(А.Ахматовалысь вуджӧдӧм)

Шондісӧ сьӧлӧмӧй ӧдва нин казьтылӧ,
Вижӧдіс йӧр.

Тӧвруыс пузчужӧм лымчирӧн
разсьылӧ,

Быттӧкӧ шӧрт.

Лӧньӧма ваыс — ни увлань,
ни вывланьӧ,

Сӧніклы рад.

Тась, сэсса, некор да нинӧм
ог кывлы ме.

Кулӧма кад.

Бадьяслӧн летйысьӧ енэжа кушинас
Паськӧдӧм ки.

Колӧкӧ, бурджык, мый эгӧ и шусьылӧй
Гозьяӧн ми.

Шондісӧ сьӧлӧмӧй ӧдва нин
казьтылӧ.

Вӧлі, эз вӧв?

Асьядор олӧмӧс топӧдас кабырас
Тӧв...

«Ме радейта тэнö...»
 Пель бокті чирскöбтіс,
 Тöлыслөн лэзьöдыс
 кок улö исковтіс.

«Ме радейта тэнö...»
 Йöлалөн нерсьыссис,
 Кывъяслөн вежöрыс
 Быгаліс, летйыссис.

«Ме радейта тэнö...»
 А, гашкö, и каститчис.
 Гашкö, эг ми,
 Кодкö неылын вашкöдчис...





(А.Ахматовалысь вуджөдгөм)

А тэ чайтін, ме на кодь жө вөлі,
Да на моз жө вуна дзик пыр.
Гашкө-й, шыбитча кок улас вөвлы,
Морөс синваөн лоас кор тыр.

Али төдысьлысь дзайгышта войö
Меным сетыштны смилитантор.
Тэнсьыд сьөлөмтө гудралас-лояс
Шальö төбыштөм косьтөм лапкор.

Енлөн ёрөмысь жальöй оз чукты,—
И лолыд, и сьөлөмыд — рот.
Сөмын төд: мед көть ковны он дугды,
Мед көть синъясö сибалас шог.
Мед көть нэм кежлө коля ме шудтөг,
Некор тэ дорö бөрсö ог лок...



Ме бара муна,
 Тэ бара кольччан.
 Ме шуа: «Кула...»,
 Тэ гусьон: «Шойчча...»

Виж синва-кодзув
 Лөнъ войыс кояс.
 Оз вөрзъы метог
 Съод рёма поезд.

Ог сяммөй вежны
 Көрт туйлысь ньөвсө,
 Ни бокө кежны.
 Съод тшыныс лөвтө.

Кык воськов мысти
 Ми тэкөд бырам,
 Мед öта-мөдлы
 Бөр чужны дырөн...

Лымйыс — пидзөсөдз,
 Лөнныс — чунавтөдз.
 Бара ичөтөсь
 Тэ да ме.

Усьысь кодзувлы
 Шөпкам-тэрмасям
 Пашкыр коз улын:
 «Сет вай, Ен,

Мамлы китыр сьом
 Сакар-нянь вылө,
 Марпа каньнымлы —
 Сизим пи...»

Быттьө ичөтөсь,
 Эг и быдмылөй.
 Ловъяс личыдөсь,
 Киын — ки...

Сэтшөм өд дыш
 еджыд ноябрас петны,
 Кок туйос толасьыс
 пөсявтөдз летны.
 Водзысь-водз самасьом
 төв вылас сөткыны,
 Шапкаө пузчужом
 лымчиръяс өктыны.

 Кымынысь көсйысьлі
 Войвывсьыс мунны,
 Саридза гожомө
 нэм кежлө сунны.
 Сөмын со бара на
 кольччи да любуйтча,
 Кыдзи гөн вольпасьыс
 муыслөн пузувтчө...



Төвру сурөн кодалоны кыдзьяс,—
 Менсьым бара

петкөдлөны вежөс.

Кор нин мустөм

видзөдчанөс вежла,

Кор нин меным

гожөмторйыс вичмас.

Вушйөм джоджыс лым чиръясө пөдө,
 Небыд гөныс

кок пыдөсөс шонтө.

Тани арөдз

бара на ме ковтөм.

Карыс лөзас

сибөдөма мөдөс...



Ни аски, ни аскомысь.
Некор...
Сьёлөмөй ватшкөма,
Неджөг.

Ачымөс ылөдлі
Ачым.
Ловторйөс сьылөдө
Шляча...



Кыаыс енэжсө потшас.
 Йөрмасны мөвпгъяс
 И увлань
 Лэччасны
 Өшиньсянь — юрө,
 Пөрасны быгъяссьөм сурө.

Гашкө, оз сурө,
 А кывйө
 Воштылөм лөп-шыяс
 Пиын.
 Сійөс ми кыкнанным
 Төдам.
 Чөв-лөняс шутөгыс
 Пөдам...



В.

Тэ менö талун
 ас дорсьыд эн вöтлы.
 Ме сы дыра нин
 карас шöйтi öтнам.
 Ас кежысь шöпкöдчöмсьыс
 гөлöс көрöй вунi,
 Юксьытöм синвасьыс да
 шмонитöмсьыс уми.
 Эн пов, ме тэнсьыд олöмтö
 ог торкышт,
 И мöдлы видзöм вом дортö
 ог окышт.
 Ме сöмын лолалöмад
 суныштла. И бара
 Ачымöс корсьны пета
 тайö мустöм карас...



Олөмыд ставсө на вичмөдлас,—
 Кильчөтө лым чирөн мичмөдлас,
 Вашъялысь беринөн
 кылөдлас,
 Вижа-гөрд нюръясөн
 ылөдлас.

Бөрдыштан, сөрыштан,
 сылыштан.

Аддзөдчөм-янсөдчөм
 нылыштан.

Сывйыштлас вомидз и
 ылөдчөм.

Лэбзылан, сунгысьлан,
 кыпөдчан...



Тэныд гажтөм,
 Меным гажтөм.
 Вай жө өтвылысь
 гажтөмтчыштам.
 Йөрным пасьтөм,
 Потшөс кашкө —
 Топыд толаыс
 зэвтө мышсө.
 Тшайным ютөм,
 Өдва кутө
 Пышйысь шоныдсө
 вунөм паччөр.
 Еджыд шудө
 Олөм дудіс.
 Некод гажөдысь
 Оз соб татчө...



Вывті дженьыд олөмыс,
Вывті өдья муслуныс.
Таладорас волөмыс
Коркө вөтөн усьлас-ө?

Коркө, грекьяс вештігөн
Жальөй петлас кымынысь
Сямтөм туйөс вежтөмысь,
Кывбурьясөс кылөмысь?..



Медводдза лым,
 быттьö медводдза муслун
 Ыпнитліс, вашнитліс,
 дойдіс и чусмис.
 Кодалö муыс,
 туплясьö няйтын.
 Олöмыс та вылын помасис,
 чайтö.

Сöмын öд толаыд
 радейтчöм кодъ жö, —
 Виччысьтöг туплявлö
 катшасин мойдас.
 Асывнас арын
 гусьöник бöрдан,
 Рытланьыс —
 нюмъялысь кок туйö пöдан...

ВАРОВИТӨМ

— А менам өшинь сайын мойд...

— А менам — асывсяньыс шляча.

И няньой сотчис өдья пачын

Да пиой ыждалө, оз сөй...

— А тавой вөтө усьлін тэ,

Сьод синкымъяса нывка-дзоридз...

— А менам унмөй сэтшөм чорыд,—

Кымынөд верөс нин оз вен...

— А, төдан, коли нэм дай во,

Кор көрин сьөлөм-лолөс. Төдан...

— А меным энька лөвтө-нөдө,

Мый меысь төлкыс эз и ло...



В.

Ме тэнö радейтны ог куж.
 Оз шогмы тэныд сьөлөм-лолөй.
 Тэ менам кывторъясысь полан,
 И сёрни некыдзи оз чуж.
 Но велöдыштны: кыдзи-мый
 И тэнад сямлуныд оз тырмы.

Кык вожа туйöд довгам-сырмам,
 Дзик ковтөмъяслысь содтам лыд...



B.

Тайö ме тавой вольсали лымсö,
Медым вöснъыдик кок туйтö колин.

Тайö ме тавой кодзула тывсö
Чöвти. Медым эн вош гажтöм оляс.

Тайö ме тавой тöвсö эг мынтöд,
Медым юрситö тэнсьыд эз лёззьöд.

Тайö ме тавой сьөлөмтö сывди,
Медым радейтчөм тэнö эз повзьöд...



Ачым ог на төд,
 Кытчө войыс суас.
 Кодзувъяса шөрт
 Кытчө кокөс нуас.
 Көні быгъя сур
 Тірзём лолөс шонтас,
 Кодлысь вильыш юр
 Шаньөднысө понда.
 Гашкө-й, өтнамөн
 Пемыдінас уся,
 Ойзём-лөвтөмөн
 Кыаыскөд куса...
 Юасьны эн мөд,
 Шуасьны эн шуась.
 Ачым ог на төд,
 Кытчө войыс суас...

Кузь төлөдыс тапиктам орччөн.
 Ме комион сөра, тэ — рочөн.
 Ме — шенася, муртса ог лэбзы.
 Тэ — сой пөлөд кутан да нерсян.

Мый көдзыдыс миянлы, лымйыс,
 Мый ру пытшкө төбыштөм кывйыс!
 Ме — тэнад. Тэ, мусаой, менам.
 И төлыслөн кок туйыс эм на...



Тöлыс воис виччысьтöг.
 Мыссьытöг ни бритчытöг
 Пелысь коръя вольпасьö
 Кöзьяинөн базгöдчис.

Муыс быдсөн лайкмунлис,
 Öдвa-й петис радлуныс.
 Сэсся вунлöм верöссö
 Сывйыштис да ланьтöдчис...



Менам керкалөн
 өшиньяс пемыдось,
 Некод удж вылысь менө
 оз виччысь.
 Войяс кузьось,
 а луньясыс дженьыдось,
 Кор абу ни ошкысь,
 ни видчысь.

Куим улөсысь
 өти и шонавлас.
 Тасьті чукөрысь
 өти и няйтчас.
 Гуся броткөмөс
 радио вомалас,
 Дзор юрсиөс
 рөмпөштан аддзас...



Дзедас синваёс жалитысь войыс.

Мыйкё бара на
 олёмкөд лоис.

Мыйкё бара на
 сьёлём оз инась,

Оз гажөд ни гудөк, ни вина.

Кая гортө

Да воштөдча төлас,

Мед оз аддзы ни шонді,
 ни төлысь.

Паччөр муслунө ойбыртча каньөн

Виччысьны,

Енмыс кор шаньмас...



Пышкой воськолөн
 Содö луныс.
 Регыд, регыд нин
 Воас тулыс.
 Тірзыьсь шоръясөн
 Мыськас чужом,
 Öвтас-разодас
 Мустом узьом.

Эн вай ышлолав,
 Весав лымтö.
 Көдзыд төлыслы
 Ставсьыс мынтам.
 Дзажнит гудокнад,
 Пөдты полөм.
 Бара ловьяюсь,
 Сідзкө, олам!..



Олөмным мунө
 То өдйө, то надзөн.
 Кодөскө воштам,
 Кодөскө аддам.
 Кодөскө кутлам,
 Кодөскө видам.
 Вежөрөн содам,
 Кузьтаён чинам.
 Эскам да огө
 Енэжса Енлы.
 Висьёмөс пөдтам:
 «Энлы на, энлы...»
 Дышмылам дзикөдз,
 Ыззылам бара.
 Лөсьыдсө корсям
 Кор сиктысь,
 Кор карысь.
 Олөмным мунө
 Кытікө вөтөн,
 Кытікө вемөсөн.
 Паськалө рөдөн...

Ме полі, мый янсөдчөм венас,
 Мый вунөда, вунөда тэнө.
 Ме полі, мый воа да вежся,
 Дзик мөд туйө төдлытөг кежсяс.

Ме полі, мый ылөдны ковмас
 Да зэвтчөмөн нюммөдны вомөс.
 Ме полі, но... весьшөрө полі.
 Тэ ачылд нин мөдкөд со олан...



Мый водзын лоо —
 Енмыс төдө.
 И тэ эн юась, эн.
 Съод синнад, гашкө,
 Керан мөдөс,
 А, гашкө-й,
 Колян мем.

Вай, тунасьнытө
 Огө пондөй.
 Лөнь войыс —
 Рыжмөм лаз.
 Тэ өні менө
 Бердад шонты,
 А аски — тыдовтчас...



Юрингалысь

В.Тимин. Тайö — поэзия	
Чужан кывлы	7
Чужан му	8
«Тулыс сэтшöм матын...»	10
«Выль во öнi на и "точким"...»	11
«Ме век на тэнад серам шыöн код...»	12
«Öшиньясöс босьтим...»	13
«Овны, эськö, овны...»	14
«Со тэнад тулысыд!...»	15
«Мем тэнö радейтны оз позь...»	16
Тулыс	17
«Көн тэ төрыт вöлин...»	18
«Ме пола, мый тэ öтчыд он во бөр...»	19
«Луныс ловзьö. Ньюжалö...»	20
«И воас май...»	21
«Бвлаас — тулыс...»	22
Мамлы	23
«Ме радейтли, кыз кужи...»	24
«Бара на тэкöд ме пиняси...»	26
Бördöm	27
«Та дыра и вöли миян тулыс...»	28
Пудьясьöm	29
Асья зэрыд, шуласны, госьт...	30
«Мед кө олöмöй...»	31
«Тэнад сингьясыд...»	32

«Тэ лэбавны эн көсйи...»	33
«Воддза гожом окаліс...»	34
«Эг и төдлы...»	35
«Бөрдө енеж...»	36
«Кытчө бара-й тэ быд асыв...»	37
«Кольбод менө...»	38
«Быттьө мудзөм каньпи...»	39
«Парма лөньө шонді уси...»	40
«Көсйи аслым лоны сарөн...»	41
«Тэ, колөк, төдан, мыйта...»	42
«Тэнад, нылукөй...»	43
Пөдругалы	44
Гожом	45
«Туйыс водзө тюрө, тюрө...»	46
«Көть муслуныд эз кольччы...»	47
«Асья кыа надзөникөн сотчө...»	48
«Этша мелі кыв тэныд ме вичмөдлі...»	49
«Ме коркө велала на...»	50
«Меным тэсянь дзик нинөм оз ков...»	51
«Тэ бара войбыд лэбалін...»	52
Сыктывкар	53
«Ме тэнө вунөді. Вунөді...»	54
«Ме эска — райыс көнкө эм...»	55
«Мый менам кывбурысь...»	56
Эн пов	57
Сыктывкарлы	58
«Миян синъяс костын...»	59
«Гожом сылі кампетөн...»	60
«Аддзан, өшлө кодзувьяс...»	61
«Сиктөс кампет моз...»	62

«Пөдөм дуксө төлөдны...»	63
Дзодзөггяс	64
«Шаньга нюрын, көнкө...»	65
Арлы	66
«Гортын вежлалөны шебрас...»	67
«Шондйой, шондйой...»	68
«Бөрсянь локтысьяс...»	69
«Өшиньё парсасьё зэр...»	70
Мамуклы	71
«Өшиняд быд асыв видзөда...»	72
«Тэ менө көнкө виччысян...»	73
«Сы мында во тэнад олөмөн олі...»	74
«Абу на сёр ставсө бергөдны бөрө...»	75
«Тэ шуин: «Муслун — сөрөм!..»	76
Вөрлы	77
«Ме гусьон: «Кутшөм еджыд лым...»	78
«Кыз эшкын улын...»	79
«Неважөн на нылыс вөлі муса...»	80
«Синъяс шымыртіс помтөм еджыд...»	82
«Ен да му костас...»	83
«Ломты пачтө...»	84
«Төлыд ассъыс уджсө төдө...»	85
«Помтөг эськө тадзи мунны...»	86
«Гын сапөг толаө суналө...»	87
«Порог водзын каньёй мыссьё...»	88
Янсөдчөм	89
«Аддзысьлытөдз! Аддзысьлытөдз...»	90
«Югыд бисө эн вай биав...»	91
«Эн гажтөмтчы метөг...»	92
«Ёна и "окаліс" яндысьтөм зэрыс...»	93

Арлы	94
«А өти рытö тэныд ставыс мустöммас...»	95
Сыктивкарлы	96
«Ми тэкöд некор эгö рöдасьлöй...»	97
«Кöть и уськöдчылн вöтö...»	98
«А сингыс кевмисны...»	99
«Мусö зарниөн коялö ар...»	100
«Тöрыт на тривкъялис гожöм...»	101
«Олöмсьыд пö колö мунны мичаа...»	102
«Медбөръя шондiөн гожöмыс малалö...»	103
«Восьса öшинь улын май...»	104
«Важөн сөникасис чайыд...»	105
«Визувтлi бöрдöмтi, кевмöмтi, лöжтi...»	106
«Ме бара аслам сиктын...»	107
«А тэ некодысь эн пов...»	108
«Коркö тайö ставыс бара лоас...»	109
«Муыс катовтчö тулыслань...»	110
«Гашкö, тöд вылад рытъядор уськöдлан...»	112
«Тэ абу скöр ни абу колысь...»	113
«Еджыд лымйөн...»	114
«Эз некод вöтлы...»	115
«Мыйөн матысмам...»	116
Туй вылын	117
«Ме пöда тэнад топыд сывйын...»	118
«Помтöм войын еджыд бобув лэбалö...»	119
«Мед сэнi турöбыс толаас туплясьö...»	120
«Ог тöд, кытысь локтiн...»	121
«Тэ эн и тöдлы, мый ме тэнö радейтлi...»	122
«Тэөн тэчлöм корöсьыд...»	123
«Тэ менам кывъяслы эн эскы...»	124

«Чусмөм кодзувъяссө сера курөг кокаліс...»	125
«Югдө. А ме синмөс эг на куньлы...»	126
«Тэ мунан. Тэ вошан...»	127
«Тöлыс коз пу улö йöжгыльтчöма...»	128
Виччысьöм	129
Апрель	130
«Нюжмасьö тувсовъя луныс...»	131
Воас тулысыс да...	132
«Пырав ме дорö...»	133
«Öшинь улöс майыс дöмö...»	134
«Рөмпöштанлөн гудыр вöтö...»	135
Мулы тувсовъя сьыланкыв	136
«Менö тэ пыдди кольöдiс зэр...»	137
«Быгалöм бус пиын...»	138
«Менам Енлы вичкояс оз сулавны...»	139
«Став кывсö шуöма...»	140
«Вежон кeжлö сибöдчыліс гожöмыс...»	141
Юль	142
«Кывтор бöрся кывтор...»	143
Гожся серпас	144
«Войыс сибöдчö öшиньяс пырыс...»	145
«Тэ кольччан асылöдзыс сöмын...»	146
«Тэнад кильчö дорö...»	147
«Олöмыс петкöдлас...»	148
«Сикт сайö йöршитчöм оляс...»	149
«Коръяс дзодзөгъяс бöрся эз лэбны...»	150
«Кык кыв, и весьöпöртас чöлыс...»	151
«Ен мед видзас...»	152
«Менам тэ кындзи...»	153
«Чаньлөн щöтьыс бурьсьлань...»	154

«А, гашкө, нинөм оз и ков...»	155
Кевмөм	156
«А меным любө...»	157
«А муртса рытыс...»	158
«Сьорсьөн-бөрсьөн...»	159
«Шондисө сьолөмөй өдва нин казтылө...»	160
«Ме радейта тэнө...»	161
«А тэ чайтін, ме на кодь жө вөлі...»	162
«Ме бара муна...»	163
«Лымйыс — пидзөсөдз...»	164
«Сэтшөм өд дыш...»	165
«Төвру сурөн кодалоны кызьяс...»	166
«Ни аски, ни аскомысь...»	167
«Кыаыс енэжсө потшас...»	168
«Тэ менө талун...»	169
«Олөмыд ставсө на вичмөдлас...»	170
«Тэныд гажтөм...»	171
«Вывті дженьыд олөмыс...»	172
«Медводдза лым...»	173
Варовитөм	174
«Ме тэнө радейтны ог куж...»	175
«Тайө ме тавой вольсалі лымсө...»	176
«Ачым ог на төд...»	177
«Кузь төлөдыс тапиктам орччөн...»	178
«Төлыс воис виччысьтөг...»	179
«Менам керкалөн...»	180
«Дзедас синваөс жалитысь войыс...»	181
«Пышкой воськолөн...»	182
«Олөмным мунө...»	183
«Ме полі, мый янсөдчөм венас...»	184
«Мый водзын лоө...»	185



Литературно-художественное издание
АНЖЕЛИКА ГЕННАДЬЕВНА ЕЛФИМОВА

ДО ВСТРЕЧИ

Стихи

Редактор *А.В.Тентюков*
Художественный редактор *Г.Н.Шарипков*
Технический редактор *З.А.Поздеева*
Компьютерная верстка – *А.В.Кетова*
Корректор *О.М.Плоскова*

КР № 0034 от 03.03.97


Подписано в печать 02.09.2002. Формат
70×108^{1/64}. Бумага офс. Гарнитура «Baltika».
Печать офс. Усл. печ. л. 4,2. Уч.-изд. л. 3,6.
Тираж 1000 экз. Заказ № 6365

Коми книжное издательство
167982, г. Сыктывкар, ул. К.Маркса, 229

Лицензия на полиграфическую деятельность
Серия ПД № 00107 от 09.11.1999 г.

Отпечатано в ОАО
«Коми республиканская типография»
167982, г. Сыктывкар, ул. Первомайская, 70







КОМИ НЕБОГ ЛЭЗАНН
2002